

# Quand los macarònis tombèron del cèl

Dos fraires vivían dins un vilajon. L'ainat s'apelava Peire, e lo mai jove, Peire èra intelligent, Joan èra brave, mas un pauc colhon. Un jorn que trabalhava pels camps, Peire trobèt dins la tèrra una ola granda, plena d'aur. « De qué li vou dire, a mon fraire ? se demandèt. Es tan bèstia lo paure d'el que va tot repetir a tot lo mond, e lo rei nos prendrà tot. »

Pi'aquò, podí pas carregar aquela classa tot sol, que pesava tròp. Alavètz, aguèt una idèia. Anèt a l'ostal per metre d'aiga a bolhir sul fuòc. Puèi, partiguèt dins lo campèstre. Dins lo bòsc, trapèt un conilh que s'èra agantat dins una trapèla e, dins lo fialat qu'aviá mandat dins la ribièra, un peis, una trocha. Peire, qu'aviá una idèia darrièr la tèsta, metèt la trocha dins la trapèla, e lo conilh dins lo fialat !

Apruèi, se'n tornèt a l'ostal. Aquí, faguèt còire cinc quilòs de macarònis dins l'aiga que bolhissia. Aquò fach los anèt esparpalhar per las branca dels arbres dins l'òrt, darrièr la bòria !

Quand Joan se'n tornèt del trabalh, Peire li diguèt : « Tu que sias fort, veni amb ieu, qu'ei besonh de ton ajuda ! »

En passant pel bòsc, trobèron lo peis, dins la trapèla.

« Qu'es aquò ? faguèt Joan, estabosit. Me damne ! Un peis dins una trapèla, o aviá pas jamais agut vist !

- Sias plan nèci, es una trocha dels bòscques » faguèt Peire.

E prenguèron lo peis. Puèi passèron la ribièra, levèron lo fialat.

« Bon Dieu ! Un conilh dins lo fialat, aquò's pas possible ! cridèt Joan encara mai estabosit.

- T comprènes pas res : es un conilh d'aiga ! » li respondèt son fraire.

Passèron puèi pel camp e totes dos s'emportèron la gròssa classa. Itmaquèron l'aur dins lo trauc de la figuèra, darrièr la bòria. « E qu'anam manjar ? demandèt Joan que començava d'aver una talent tala que li semblava qu'aviá la pèl del ventre pegada a l'esquina.

- Es pas complicat, basta de recampar los macarònis », faguèt Peire. E li monstrèt los macarònis qu'aviá esparpalhats suls arbres de l'òrt.

« Los macarònis venon suls arbres, ara ? demandèt Joan. Itquela empega !

- Que non, es una nívol de macarònis qu'a passat adès, e a plougut de macarònis, nos anam regalar. Mas garda-te plan de contar tot aquò a degun ! »

Mangèron (e beguèron !) coma de reis e l'endeman, quand Joan anèt a la font per quèrrer un pauc d'aiga, èra un pauc las. Las gentes li demandèron per qué « O cal pas dire, es que ièr, amb mon fraire, nos sèm carrejats una ola gròssa, gròssa... claufida d'aur ! »

At cap de qualque temps, tot lo monde parlavan pas pus que d'aquela ola meravilhosa. Lo rei l'aprenquèt. Èra avar e mai cisson... e marrit coma la ronha. Mandèt sos soldats per agantar los dos fraires e lo faguèt menar dins son castèl.

« Itlara, es vertat qu'avètz tropat una ola plena d'aur ?

- Non, non, respondèt Peire, avèm pas res trobat.
- Mentisses ! M'o pagaràs ! Es ton fraire que o a contat a totes !
- Majestat, li cal perdonar... lo paure es un pauc fadat (timbol, falord, laug, innocent, fat, madur, se volètz). Iturà pantaissat. Demandatz-li un pauc quora l'avèm trobada aquela ola miraclosa...
- E ben t'en remembras pas, faguèt Joan, contrariat de çò que son fraire aviá dich, l'avèm trobada, aquesta ola lo jorn qu'a plougut de macarònis, te sovènes pas, emai que nos sèm plan regalats !
- De qué ? faguèt lo rei que ne'n reveniá pas.
- Òc ! e lo meteis jorn, avèm manjat un conilh d'aiga e tanben una trocha dels bòsques !
- Iti comprès, bramèt lo rei furiós. Pias un cabordàs e te siàs truffat de ieu, e mai fotut de ieu. Gardas, agantatz-lo e fotètz-li una rostassa a aqueste piròl. E los gardas te l'agantèron e te li fotèron la rostassa del règle. »

Quand los dos fraire se'n tornavan a l'ostal, Joan fasiá pas que gemegar : « Òi, òi ma testa, mos braces, mas cambas, mon esquina, quana rosta, bon dieu, quana rosta ! » E Peire de se far una panta de rire. Itra saviá qu'anavan viure tranquilles, e que serián pus jamai paures.

E crac, e cric, lo conte es finit  
E cric, e crac, lo conte es acabat.

Florian Vernet

*La princessa Valentina e autres contes*